

¡BOMBA!

Que lo oiga quien lo entienda,
paren la oreja primero;
sin trabajo, ni dinero;
¿quién viene a comprar vivienda?



K'uintsil

Mércoles 22 de julio de 2020

CAMPECHE · YUCATÁN · QUINTANA ROO · AÑO 6 · NÚMERO 1278 · www.lajornadamaya.mx

“Sajbe’entsil u níikil matsil” yóok’lal u k’oja’anil COVID-19, ku ya’alik máasewal meyajo’ob ti’ tsikbal

“Catástrofe cultural” por pandemia, advierten líderes indígenas en foro



Oochel Captura de pantalla CRESPIAL

Tu k'iinil jo'oljeak 21 ti' julioe', u kúuchil Centro Regional para la Salvaguardia del Patrimonio Cultural Inmaterial de América Latina (CRESPIAL) tu beetaj jump'éeel múuch' tsikbal ti' Internet tu k'aaba'taj *Miradas del patrimonio cultural inmaterial de Latinoamérica frente al COVID-19: presente y futuro*, tu'ux t'a'an tsikbal óoxtúul máak: Jaime Araoz, juntúul u jka'ansajil its'at yéetel miatsil; Doris Ochoa, máax jo'olbesik u nu'ukbesajil máasewal jala'ach tu lak'inil Amazonía ti'

u múuch'kabil Gaia Amazonas, ti' u lu'umil Colombia yéetel Adriana Molano, máax jo'olbesik CRESPIAL.

Máaxo'ob táakpajo'obe' tu tsikbaltajo'ob ba'ax táan u yúuchul yéetel le k'oja'anila', tumen yaan tu'uxe' ts'o'ok u yoksik saajkil yéetel chi'ichnakil ich kaaj, ts'o'ok u beetik u kímil ch'ija'an máako'ob, máaxo'ob jach kaambanaja'ano'ob, ba'ale' kaajo'obe' k'anantako'ob xan ti'al u aktáanta'al le k'oja'anila', ya'abach máako'obe' suunaj tu kaajalo'ob yóok'lal ba'ax ku yúuchul.

Jala'ache' ts'o'ok u jets'ik ba'ax najmal u beeta'al ti'al u kaláantikubáaj kaaj ti' u k'oja'anil COVID-19 ba'ale' ma' táan u chímpoltik bix u kuxtal maaya'ob, táan u jets'ik ba'al yóok'ol máax ka'aja'an ti' noj kaaj, beey tu ya'alaj Sasil Sánchez máax jo'olbesik u meyajil kaambal Solyluna. “To'one' ya'abo'on, kaaje' ya'ab bix u tuukul, ma' táan u páajtal u je'ets'el ba'al wa chéen ti' u tuukul máak ti' noj kaaj”, tu tsikbaltaj xan.